

غزل

گھٹ نیں اوہ پالن والے ہوندے نیں
پر بوہتے رُکھ پالن والے ہوندے نیں

اوتھے ڈُگن وِچ دی لذتِ مِلدی اے
جتھے کول سنبھالن والے ہوندے نیں

نہیں جواب ضروری ہوندا ہر اک دا
کچھ سوال تے ٹالن والے ہوندے نیں

اوہناں دے نال سانجھاں مگدیاں جاندیاں نیں
جیہڑے دُکھڑے جالن والے ہوندے نیں

جنھاں دے وِچ رُکے روانی پانی دی
کھال اچے اوہ کھالن والے ہوندے نیں

وقت قبول کرے نہ احقر جنھاں نوں
اوہ سیکے مُڑ ڈھالن والے ہوندے نیں

مشق

- 1- ایس غزل وِچ مطلع کیہڑا اے؟
- 2- ایس غزل وِچ ”والے ہوندے نیں“ بار بار استعمال ہو یا اے۔ شاعری وِچ ایہہ نوں کیہ آکھیا جاندا اے؟
- 3- مقطع کس نوں آکھدے نیں؟ ایس غزل دا مقطع لکھو۔
- 4- غزل دے چوتھے شعر دا مفہوم بیان کرو۔